



The Holy See

PAULUS EPISCOPUS

SERVUS SERVORUM DEI

AD PERPETUAM REI MEMORIAM CONSTITUTIO APOSTOLICA MENDIENSIS * APOSTOLICA PRAEFECTURA
MENDIENSIS AD GRADUM ET DIGNITATEM VICARIATUS APOSTOLICI EVEHITUR, IISDEM ET NOMINE ET
FINIBUS SERVATIS. Regnum Christi, quod est Ecclesia, hoc habet proprium ac praecipuum prae ceteris terrenis regnis
atque imperiis, ut non modo nata sit ad omnes gentes colligendas suoque sinu continendas (Cf. Mt., 13, 31), verum
etiam ad eosdem populos gratia, veritate, virtute ita renovare (Cf. ib. 13, 33), ut ex humana societate subiecta peccato et
in servitutem redacta, sacratissimam Dei civitatem faciat, in omnium gentium salutem. Quod profecto cum semper factum
est, tum etiam cotidie fit. Cum autem in regione Mendiensi, in Papuasia-Nova Guinea, christiana res Fratrum Minorum
Capuccinorum labore atque benignissima Dei gratia, prospere successisset, censuit Sacra Congregatio Christiano
Nomini Propagando aequa et opportuna fieri, si praefectura eiusdem nominis in ordinem vicariatum apostolicorum
eveheretur: aequa quidem, quia dilectis filiis ibidem allaborantibus signum daretur voluntatis Nostrae in eos, opportune,
quia eadem Ecclesia bona spe nova virtutis et caritatis incrementa captura esse videtur. Quae cum ita sint, consilio petitio
a venerabili Fratre Dominico Enrici, Archiepiscopo titulo Ancusitano, eodemque in Australia, Nova Zelanda et Oceania
Delegato Apostolico, praefecturam *Mendiensem* ad dignitatem vicariatus apostolici tollimus, cum iuribus et privilegiis
debitis, servatis nempe et finibus et nomine Mendiensi. Censemus, praeterea, ut eadem circumscripicio ecclesiastica
iisdem Patribus ex Ordine Fratrum Minorum Capuccinorum regenda credatur, quos paterne hortamus ut nulli labori
parcant, christiana religionis proferendae gratia. Ceterum, quae iussimus idem venerabilis Frater Dominicus Enrici
exequi studebit, vel quem ipse delegaverit. Re vero acta, documenta exarentur, ad que Sacram Congregationem Fidei
Propagandae cito mittantur, sinceris sane exemplis. Hanc vero Constitutionem nunc et in posterum efficacem esse et
fore volumus; ita quidem ut quae per eam decreta sunt ab iis quorum res est religiose serventur, atque igitur vim suam
obtineant. Cuius Constitutionis efficacitati nulla, cuiusvis generis, contraria praescripta officere poterunt, cum per eam
iisdem derogemus omnibus. Nemini praeterea haec voluntatis Nostrae documenta vel scindere vel corrumpere liceat;
quin immo huius Constitutionis exemplis et locis, sive typis impressis sive manu exaratis, quae sigillum viri preferant in
ecclesiastica dignitate constituti simulque ab aliquo publico tabellione sint subscripta, eadem omnino habenda erit fides,
quae huic haberetur, si ostenderetur. *Datum Romae, apud Sanctum Petrum, die sexto mensis Iulii, anno Domini
millesimo nonagesimo sexagesimo quinto, Pontificatus Nostri tertio.*

IACOBUS A. Card. COPELLO

S. R. E. Cancellarius

GREGORIUS Card. AGAGIANIAN

S. Congr. de Prop. fide Praefectus

Apostolicam Cancellariam Regens Caesar Federici, Proton. Apost.

Sylvius Romani, Proton.

Apoost.

*A.A.S., vol. LVIII (1966), n. 4, pp. 268-269 © Copyright 1965 - Libreria Editrice Vaticana

Copyright © Dicastero per la Comunicazione - Libreria Editrice Vaticana